

葆光集序

伏以渾淪未判已含天地之真清濁將分遂運陰陽之妙由是三才既立萬化俱成品物咸亨異人間出如真人者姓尹氏世族滄洲人也祖先一母三產九男中內七人各封八縣厥後簪纓熾盛抑今碑銘昭然至真人愈爲盛事童年入定看乾坤造化之原卅歲出家了性命超昇之訣接人救物考古規今窮萬事之始終列千賢之先後博施廣化汎愛寬容爲而不爭犯而不校欲仁而斯仁至矣不善者亦善覆之蓋由達向背之情曉幽冥之故既已往而弗諫但將來者可追知進退存亡齊大小多少流言不入任毀譽以何移凡事飽諳信浮沉而所適隨流

道藏輯要

葆光集序

一

胃集十

若類混迹同塵受垢安身託詞警世清吟編簡意傳萬古以無遺法語敷揚志取一時之有補可以繼全真而演教敘正派以流芳開衆妙之玄門指三清之直路高懸慧日照破邪陰大振宗風蕩除凶穢故使門庭洒落境界清涼屏幽夜之迷途附長春之勝域擬開靈沼植萬朶之金蓮空駕神舟載一輪之皓月是知人難調制道不加行可懷寶而坐忘或寫憂而遊戲不離方寸歷遍遐荒復挈大千納於毫末心田晃朗照知聞見覺之前性海淵澄湛成住懷空之後感而卽應捨之則藏淡泊於無生逍遙於寂滅如如不動冥超劫外之天了了常存永在現前之地般般勘破處處圓成信手拈來轉頭放下諸門遍曉悟萬

法以歸心多劫曾修證一真而合道是以曩離塵世久處仙鄉  
優游於碧落之中宴賞於清都之內上方尅約等師父之千年  
下會來期誕自身於次日是謂至禮無體至讓無辭按美名無  
稱之稱合上古不德之德其緣有慶其故無私蓋懷弘道之微  
機以示化人之雅範不虧細行終累大功旣足清標敢無美譽  
浪裁狂語冒讚幽情不防條罪之三千私發師真之萬一云耳  
夫葆光集者卽真人之所作也自承教一十三年常坐於大長  
春宮寶玄堂之重室葆光之軒日有在京士大夫及遠方尊宿  
參問請益求索唱和或自述懷遣興警誡勸示復因諸方遊歷  
經臨景物題跋讚詠所得詩詞歌頌編列次第分爲三卷以軒

道藏輯要

葆光集  
序

二

胃集十  
又文川

名而立號焉或謂葆者蔽也謂蔽藏靈識不令外馳雖應萬變  
不失虛寂之體又光者照也謂照破昏闇坦然前進不致陷墜  
徑入希夷之域又集者聚也謂聚積珠玉眾寶等類施設運用  
以濟貧苦之者述作之義大畧然否或謂詩有四鍊鍊字不如  
鍊句鍊句不如鍊格鍊格不如鍊意意者志之用詩思之委也  
故在心爲志發言成詩詩之成也不必字精句健風騷屬時之  
爲美美者美於德尙於志也志者稟於道感而動之託於辭和  
而節之成於文文者奮於言言者無罪則思無邪也夫正情性  
明得失主忠信戒權謀止強梁守柔弱寶慈儉去奢泰崇高節  
美教化真人之詩爲深得之如云心中實行真爲寶口內虛詞

未足奇 又云智源起處姦邪盛禮貌彰時道德衰又云性暴  
每聞人化虎心慈果見木飛龍又云從他外境魔千遍一片真  
心不解驚又云寵辱不驚君子性是非甯動法王身凡此類例  
篇篇皆然幸覽者知之耳若懈慢而不覽魯莽而不知嗚呼哀  
哉唯沁州長官杜德康爲當世賢者也一見此集普願眾聞遂  
募工鏤板以廣其傳庶使英明之士同器之流覽其文而知其  
實悟其理而得其趣豁然穎脫塵累高蹈真空名列丹臺永超  
生滅真謂仁人之心也哉昔歲在己亥重九日門弟子煙霞逸  
人三肅熏沐拜書

道藏輯要

葆光集  
序

三

胃集十  
川一川